

Møteprotokoll

Utval:	Hovudutval for opplæring og kompetanse
Møtestad:	Videomøte: Fylkesutvalsalen Sandsli og Fjaler Førde, Fylkeshuset Sandsli, Sandslihaugen 30 og kontor Førde, Storehagen 1b
Dato:	14.01.2020
Tid:	10:00-13:10

Følgjande faste medlemmer møte:

Namn	Funksjon	Representerer
Førde:		
Karianne Torvanger	Leiar	A
Åsmund Berthelsen	Nestleiar	SV
Sigurd Reksnes	Medlem	SP
Sonja Merethe Øvre-Flo	Medlem	H
Bergen:		
Emil Gadolin	Medlem	A
Rasmus Laupsa Rasmussen	Medlem	A
Nina Bognøy	Medlem	A
Svein Kolbein Halleraker	Medlem	H
John Andre Kongsvik	Medlem	H
Rosalind Fosse	Medlem	FrP
Kristina Vakt skjold Hamre	Medlem	KrF
Jeanette Syversen	Medlem	R
Alexander Fosse Andersen	Medlem	SP

Følgjande medlemmer hadde meldt forfall:

Namn	Funksjon	Representerer
Pauline Tomren	Medlem	MDG
Nils Haugland	Medlem	FNB

Følgjande varamedlemmer møte:

Namn	Møtte for	Representerer
Mariell Eikeset Koren	Pauline Tomren	MDG
Tore Landmark	Nils Haugland	FNB

Frå administrasjonen møte:

Namn	Stilling
Bjørn Lyngedal	Fylkesdirektør opplæring
Bekka Skaasheim	Assisterande fylkesdirektør opplæring
Birthe Andersen Haugen	Seksjonsleiar fellestenester, opplæringsavdelinga
Linda Farestveit	Seksjonsleiar skule, opplæringsavdelinga
Øivind Høines	Seksjonsleiar inntak, forvaltning og sluttvurdering
Kent Rune Teigen Måren	Seksjonsleiar, opplæring og kompetanse
Stig Aasland	Seniorrådgjevar, opplæring og kompetanse

Berit Roksvåg
Merethe Helland Nordnæs

Seniorrådgjevar, opplæringsavdelinga
Seniorrådgjevar/møtesekretær

Sakliste

Utvals- saknr	Innhald	Arkiv- saknr	U.Off
	Godkjenningssaker		
GK 1/20	Godkjenning innkalling og sakliste		
GK 2/20	Godkjenning av møteprotokoll frå møte i hovudutval for opplæring og kompetanse den 28.11.2019	2019/130	
GK 3/20	Godkjenning av møteprotokoll frå møte i hovudutval for opplæring og kompetanse den 02.12.2019.	2019/130	
	Skriftlege spørsmål		
SI	Spørsmål frå politikarar		
	Referatsaker		
RS 1/20	Plan for prosess for sak om opplæringstilbod ved dei vidaregåande skulane i Vestland fylkeskommune	2020/228	
	Politiske saker		
PS 1/20	Mål og strategiar - mandat og prosess	2019/146	

Godkjenningssaker

GK 1/20 Godkjenning innkalling og sakliste

Saksprotokoll i 14.01.2020 - hovudutval for opplæring og kompetanse

Vedtak

Møteinnkallinga og sakslista vart godkjent utan merknader.

Orienteringar:

Kvalitetsmelding vidaregåande opplæring Hordaland fylkeskommune 2028-2019. Ved seniorrådgjevar Stig Aasland opplæringsavdelinga, seksjon for opplæring og kompetanse.

Årsrapport for Sogn og Fjordane, vidaregåande opplæring 2018.

I samband med saka RS 1/20 «Plan for prosess for sak om opplæringstilbod ved dei vidaregåande skulane i Vestland fylkeskommune», vedtok hovudutval for opplæring og kompetanse samrøystes å setje denne saka på sakslista som ny politisk sak. Denne fekk saksnummer 2/20.

GK 2/20 Godkjenning av møteprotokoll frå møte i hovudutval for opplæring og kompetanse den 28.11.2019

Forslag til vedtak

Møteprotokoll frå møte i hovudutval for opplæring og kompetanse den 28.11.2019 vart godkjent utan merknader.

Saksprotokoll i 14.01.2020 - hovudutval for opplæring og kompetanse

Vedtak

Møteprotokoll frå møte i hovudutval for opplæring og kompetanse den 28.11.2019 vart godkjent utan merknader.

GK 3/20 Godkjenning av møteprotokoll frå møte i hovudutval for opplæring og kompetanse den 02.12.2019.

Saksprotokoll i 14.01.2020 - Hovudutval for opplæring og kompetanse

Karianne Torvanger (A) sette fram slikt forslag:

«Forslag til endring i godkjenningssak [3/20](#)

Møteboka vert godkjent med følgjande endringar:

Sak 14/19 rett vedtak er at Oppko tok finansutvalet sitt framlegg til orientering.

Protokoll frå dei andre hovudutvalg må takast vekk.

Tabellane som visar opplæringstilbodet høyrer til i sak [11/19](#).»

Avrøysting

Forslaget vart samrøystes vedteke.

Vedtak

Møteboka vert godkjent med følgjande endringar:

Sak 14/19 rett vedtak er at Oppko tok finansutvalet sitt framlegg til orientering.

Protokoll frå dei andre Hovudutvalg må takast vekk.

Tabellane som visar opplæringstilbodet høyrer til i sak [11/19](#).»

Skriftlege spørsmål

SI 1/20 Spørsmål frå politikare

Representanten Åsmund Berthelsen (SV) stilte slikt spørsmål:

Vestland fylkeskommune står ikkje på lista over dei som har sendt inn svar på høyring om såkalla fritt skuleval, med frist 31.12.2019. Sjå lenkje <https://www.udir.no/om-udir/hoyringar/#728>

Er ikkje vedtaket i fylkestinget sendt inn? Og kvifor er det eventuelt ikkje sendt inn?

Svar frå fylkesdirektør for opplæring og kompetanse:

Vi har ikkje sendt inn høyringssvaret i samsvar med fristen. Avtalen med Udir er likevel at svaret blir lagt inn.

Ref kommunikasjon med UDIR:

«E-post datert 7.1.20, her stadfestar seniorrådgjevar Anita Solheim i Udir at dei vil legge inn vedtaket frå fylkestinget i Vestland. Same dag sende eg over vedtaket frå fylkestinget. Eg fekk også melding om å sende det til postmottaket i Udir, det vart også gjort 7.1.20.»

Referatsaker

RS 1/20 Plan for prosess for sak om opplæringstilbod ved dei vidaregåande skulane i Vestland fylkeskommune

Saksprotokoll i 14.01.2020 - hovudutval for opplæring og kompetanse

Hovudutvalet vedtok samrøystes å setje RS sak 1/20 på sakslista, som ny politisk sak. Denne saka vert då sak PS 2/20 «Plan for prosess for sak om opplæringstilbodet ved dei vidaregåande skulane i Vestland fylkeskommune».

Politiske saker

PS 1/20 Mål og strategiar - mandat og prosess

Saksprotokoll i 14.01.2020 - hovudutval for opplæring og kompetanse

Åsmund Berthelsen (SV), sette fram slikt tilleggsforslag på vegner av A, Sp, KrF, MDG og SV:

«Tilleggstekst mellom 3. avsnitt og 4. avsnitt i pkt. 1:

Den vidaregåande opplæringa skal legge til grunn eit kunnskapssyn som utviklar heile menneske tufta på eit breitt kompetanseomgrep. Elevane må gjerast trygge på seg sjølve og utvikle evne til læring, kunne kommunisere og samhandle gjennom deltaking, utforske og skape, slik at dei vert fagleg dyktige. Skulen må utvikle undervisning og arbeidsmåtar i tråd med prinsipp og verdiar for grunnopplæringa og dei nye fagplanane med tverrfaglege emne og djupnelæring.

Strategien skal innehalde eit system/metode for å stimulere til utvikling og forbetring og vurdering av kvaliteten.

Tillegg steg 3:

Samt relevans for næringslivet i regionen og som grunnlag for vidare utdanning/studiar

Endre siste setningen i samandrag til:

Arbeidet med å etablere mål og strategiar skal munne ut i prioriterte tiltak for å oppnå ei heilskapleg opplæring i tråd med kriteriane for kvalitet, nemnt i steg 1.»

John Andre Kongsvik (H) sette fram slikt forslag på vegne av FrP og H:

«Forslag til PS1/20:

Endre kulepunkt 3 under steg 1:

Læring, mestring og gjennomføring.»

Jeanette Syversen (R) sette fram slikt forslag:

«Endring steg 1, Trivsel, psykososial helse og inkluderande felleskap

Tillegg steg 3. Utviklingen av strategi for den vidaregåande skolen/opplæringa, skal vise korleis ein sikrar tett dialog mellom rettleingtenesta og den enkelte skulen for å sikre gode tiltak som sikrer forebygging av seksuell trakassering og mobbing.»

Avrøysting

Prosjektlear sitt forslag vart samrøystes vedteke.

Berthelsen sitt tilleggsforslag vart samrøystes vedteke.

Kongsvik sitt forslag vart samrøystes vedteke.

Syversen sitt forslag kva gjaldt «Endring steg 1» vart samrøystes vedteke.

Syversen sitt forslag kva gjaldt «Tillegg steg 3» fekk fire røyster (R, FrP, FNB og KrF) og fall.

Vedtak

1. Det vert sett i gang arbeid med mål og strategiar for utvikling av den vidaregåande opplæringa i Vestland for perioden 2020-2024 med følgjande mandat:

Arbeidet skal setje ei tydeleg retning og omfatte strategiar for utvikling av den vidaregåande opplæringa i Vestland. Arbeidet skal vere erfarings- og forskningsbasert og forankra i overordna styringsdokument, regional planstrategi og utfordringsbiletet for Vestland.

Tilsette, elevar og lærlingar si involvering i arbeidet er ein føresetnad for gje retning for den vidaregåande opplæringa.

Den vidaregåande opplæringa skal legge til grunn eit kunnskapssyn som utviklar heile menneske tufta på eit breitt kompetanseomgrep. Elevane må gjerast trygge på seg sjølve og utvikle evne til læring, kunne kommunisere og samhandle gjennom deltaking, utforske og skape, slik at dei vert fagleg dyktige. Skulen må utvikle undervisning og arbeidsmåtar i tråd med prinsipp og verdiar for grunnopplæringa og dei nye fagplanane med tverrfaglege emne og djupnelæring.

Strategien skal innehalde eit system/metode for å stimulere til utvikling og forbetring og vurdering av kvaliteten.

Arbeidet med å etablere mål og strategiar skal munne ut i prioriterte tiltak for å oppnå ei heilskapleg opplæring i tråd med kriteriane for kvalitet, nemnt i steg 1.»

Steg 1: Etablere **kjenneteikn for kvalitet** på opplæringa. Kjenneteikna skal ta utgangspunkt i tre område:

- o trivsel, psykososial helse og inkluderande fellesskap
- o lærelyst og motivasjon
- o læring, meistring og gjennomføring

Kjenneteikna skal ligge til grunn for prioriteringar og satsingar som skal bidra til å sette elevar og lærlingar i stand til å møte livet fagleg og sosialt.

Steg 2: Samanfatta no-situasjonen for opplæring- og kompetansesektoren med utgangspunkt i forskning, statistikk, erfaring og etablerte kvalitet- og styringsdokument. No-situasjonen skal peike på styrkar og utfordringar for den vidaregåande opplæringa i Vestland.

Steg 3: Det skal utarbeidast mål og strategiar som syner ei utvikling av vidaregåande opplæring, og som gir ungdom både i sentrumsområda og i distrikta eit likeverdig opplæringstilbod.

Strategiane skal fremje god kvalitet, jf. kriteriesettet. Strategien skal synleggjere vidaregåande opplæring si rolle i samfunnsutviklinga lokalt og regionalt. Samt relevans for næringslivet i regionen og som grunnlag for vidare utdanning/studiar

2. Hovudutval for opplæring og kompetanse er styringsgruppe for arbeidet, og fylkesdirektør for opplæring og kompetanse drøftar vegval undervegs med styringsgruppa.

3. Fylkesdirektør for opplæring skal legge til rette for brei medverknad i arbeidet.

4. Arbeidet med mål og strategiar for vidaregåande opplæring startar parallelt med å etablere den regionale planstrategien for 2020 - 2024. Føringsane i planstrategiarbeidet er førande for sektoren sitt mål og strategiarbeid

5. Prosessen med å utarbeide ny budsjettmodell for sektoren må innrettast i samsvar med prosessen for mål og strategiar

6. Mål og strategiar for vidaregåande opplæring i Vestland skal leggjast fram for fylkestinget handsaming i september 2020.

7. Hovudutval for opplæring og kompetanse ber om at fylkesrådmannen utarbeider ei eiga sak for oppnemning av saksordførar.

PS 2/20 Plan for prosess for sak om opplæringstilbodet ved dei vidaregåande skulane i Vestland fylkeskommune

Saksprotokoll i 14.01.2020 - hovudutval for opplæring og kompetanse

Svein Halleraker (H) sette fram slikt forslag:

«Saka vert utsett».

Avrøysting utsetjingsforslag:

Halleraker sitt utsetjingsforslag fekk to røyster (Halleraker, H og Kongsvik, H) og fall.

Emil Gadolin (A) sette fram slikt forslag:

«Foreslår følgende vedtak i RS 1/2020 under foreslått oppsett på struktur i justerings- og utlysningssakene. Dette skal forstås som tillegg til begge listene som står på side fire i saksdokumentet:

Sakene skal også innehalde en fullstendig oversikt over utdanningstilbudet

Tilleggspunkt:

Utvalet tar saka til vitande.»

Avrøysting

Gadolin sitt forslag vart samrøystes vedteke.

Vedtak

Sakene skal også innehalde en fullstendig oversikt over utdanningstilbudet

Tilleggspunkt:

Utvalet tar saka til vitande.